



KA EMERGENCY EDUCATION

**Ha ki jingpyniaid kam
ha ka por ka lanot**



Ka Kot Batai
Da ka
Ms Maitreyee Mukherjee

KA EMERGENCY EDUCATION

Ha ki jingpyniaid kam ha ka por ka lanot

Ka Kot Batai
Da ka
Ms Maitreyee Mukherjee

State Disaster Management Authority, Meghalaya, 2014

Sngewbha pyndonkam ia kane ka kot (Emergency Education in Disaster Management - A Manual)
kum ka lad ban pynphriang ia ka pule puthi ryngkat bad ki jingai jingmut jong phi. Pyntip sha ngi iaka
jingiarap bad jingmyntoi jong kane ka kot.

Publisher:

Meghalaya State Disaster Management Authority
C/o Directorate of Land Records and Survey
Lower Lachumiere, Shillong-793001

Phone: 0364-2503022 (O) 2502188

Fax: 0364-2226671 (O)

Email: eo.sdma-sdma@nic.in/
sdmadeptt007@gamil.com

Compiled and Edited by: Ms. Maitreyee Mukherjee
C/o Mr. Madam Bhattacharjee
Near ICFAI University, Malki-Dhankheti,
Shillong, Meghalaya-793001

Cover: Mr. Surajit Bordoloi

Meghalaya State Disaster Management Authority

Lower Lachumiere, Shillong-793001

Phone: 0364-2503022 (O)

Fax: 0364-2226671 (O)

Email: eo.sdma-meg@nic.in/sdmadeptt007@gmail.com

Printed at: Eastern Panorama Offset, Keating Road, Shillong-1
Contact No.: 0364-2504885



SHRI H.B. MARAK, IAS.,
EXECUTIVE OFFICER
STATE DISASTER MANAGEMENT AUTHORITY
MEGHALAYA, SHILLONG

Lower Lachumiere
Shillong - 793001
Phone - 2503022
Fax - 0364-2503022

Email - hubertmarak@gmail.com/eo.sdma-meg@nic.in



KA LAMPHANG

Ka jingshah lyngshop ka ju ktah bha ia ka bor met bad ka bor pyrkhat pyrdain jong kito ki lanot kiba ngat ha ka nusib jot. Ha kum kine ki por, ka jingim ki briew ka shah ktah bha, la ka long ha ka imlang sahleng ne ka ioh ka kot. Ka emergency education ha ki lad treikam haba jia ka lanot ka long ka atiar kaba khraw ban wanrah ka jingsngew shngain bad sngew skhem ia ka im ka sah. Ka ai ka kabu ia ki paidbah ban iashimbynta lang ha kaba ioh ne tei biang ia kaba la duh, ban ai ka jingshemphang bad ki buit treikam kiba iadei bad ka koit ka khiah, ka khuid ka suba, ka shongsuk shongshngain, ka jingpynbeit ia ki jingiakynad, ka jingpynkhreh lypa haba wan ka jingshah lyngshop, ki kabu kamai jakpoh bad kiwei.

Ka Emergency Education ka dei ban long ia baroh da kaba kham phai khmat kyrpang sha ki kynhun kiba don jingma kum ki khunlung khynnah, kiba la san kiba don jingduna ha ki dkhoh met, ki khynnah kiba la sapra na ki kmie ki kpa, ki shipai khynnah bad kiwei. Ka dei ruh ban iahap bad ki mat kiba iadei bad ka jinglong kynthai shynrang namar ka jingktah na ka lanot ia ki kynthai bad ki shynrang ka iapher shibun. Ki kynthai bad ki khynnah kynthai ki iakynduh ia bun ki diengpyngkiang ha kaba iashimbynta ha ki prokram ai jinghikai. Ki nonghikai, ki sengbhalang bad ki bor shnong ki dei ban long kiba la ioh jinghikai bha halor ki nongrim bad ki jingthmu jong ka emergency education.

Nga sngewnguh ia ka Ms. Maitreyee Mukherjee, Gender Consultant kaba la pynkhreh ia ka Emergency Education in Disaster Management-A Manual na ka bynta ka Meghalaya State Disaster Management Authority kaba long ka atiar kaba donkam tam ia kiba pyndonkam bad khamtam ia kito kiban iadonbynta ha kaba sam ia ki jingnang jingtip halor ka emergency education, ki lad jingtip lyngba ka Emergency Education, ka rukom hikai ia ka Emergency Education, ki rukom hikai ha ka por ba wan hap ka lanot, ki lanot kiba jia na ka por sha ka por bad ka rukom ai jinghikai halor kumno ban tei biang ia ka jingim na ka bynta ki shynrang bad ki kynthai.

Namar ba ka Emergency Education ka dei ka phang kaba la sdang ban paw ha ka thup jong ka rukom pynkhreh haba wan ka lanot, ka Emergency Education in Disaster Management-A Manual kaba la pynkhreh da ka Ms. Maitreyee Mukherjee kan pynpeitmat ia ngi ba ngin tip shaphang ka jingdonkam jong ka emergency education kaba long kaba kongsan tam ha ka liang ka jingiada bad jingpynkhreh haba wan ka lyngshop.

(Shri H.B. Marak, IAS.,)
Executive Officer,
State Disaster Management Authority
Meghalaya, Shillong



MS MAITREYEE KUKHREJEE
MSW, Tata Institute of Social Science (YISS), Mumbai
MA, Development Studies and Gender, University of Leeds, United Kingdom

maitreyee_8@rediffmail.com
maitreyee@hotmail.co.uk

JINGSNGEWNGUH

Nga pynpaw ka jingsngewnguh ia ka State Diaster Management Authority (SDMA), Meghalaya kaba la ai ha nga ia ka jingkitkhlieh ban pyndep ia kane ka jingthoh. Nga pynpaw ka jingsngewnguh ia u Shri H B Marak, IAS, Executive Officer, SDMA, Meghalaya uba la kitkhia ban pynphriang ia kane ka phang kaba dang thymmai jong ka Emergency Education lyngba kane ka thup. U long uba shitrhem, uba ai mynsiem bad kyrshan ha kaba pynkhreh ia kane ka thup.

Nga sngewnguh ruh ia ka (L) Ms. Carol Toms, ex-advisor jong ka World Vision (United Kingdom) halor ka Children in Emergencies and Crises kaba la iasam lang ha nga ia ki jingtip bad jingshem jong ka ha kaba plan bad pyntreikam ia ki prokram halor ka emergency education ha kylleng ka pyrthei. Ka Carol ka la iarap shibun ia nga ban sam lang ia ki jingtip kiba iadei bad kane ka phang.

Ha kaba khatduh, nga sngewnguh ia ka jingnoh synniang jong ki paidbah kynthei bad shynrang bad khynnah kiba la mad ha kum kine ki lanot, kiba lyngba ki jingiakynduh jong nga bad ki seng kiba trei ha ki kam kiba iadei bad ka lanot ha India, ki la pynpyrkhat ia nga ia ka jingdonkam jong ka jingnang jingtip ha ki por ba jia ka lanot khamtam ha ka liang ka longshynrang longkynthei.

KI JINGKDEW

Bynta I: Ki jinglyngshop ka lanot bad ki Jingiarap ba kyrkieh	1-5
Ka jingktah jong ka emergency ia ka thoh ka pule Ka Emergency Education – u mawdong ba saw jong ka jingleh isnei Ka thong jong ka emergency education Ka jingkular jong ki ri ka pyrthei ia ka Emergency Education	
Bynta II : Ki mat kiba iadei bad ki jait jingpule bad ki rukom hikai ia ka emergency education	6-8
Ka jingheh jingsan ki khynnah khunlung bad ka jingnang jingstad ia kiba la san Ki mat kiba iadei bad ka longkynthei longshynrang Ki mat kiba iadei bad ki prokram ai jinghikai	
Bynta III: Minimum Standard for Education in Emergencies, Chronic Crisis and Early Reconstruction (MSEE)	9-17
Ka jingshimbynta jong ki nongshong shnong bad ka jingthew jingwoh Ka jingioh ia ka lad ban pule bad ka jinghikai Ka jinghikai bad jingioh jinghikai Ki nonghikai bad kiwei ki nongtrei ka kam pule puthi Ka Education Policy bad ka jingiatreilang	
Bynta IV: Ka jingpyrkhat ia ka longkynthei longshynrang	18-20
Ka jingdonkam ban pyrkhat ia ka longkynthei longshynrang ha ka pule puthi ha ka por ka jingshah lynshop Ka jingmyntoi ka emergency education haba don ka jingiohi jngai ia ka jingdonkam ki shynrang kynthei Ka jingpyrkhat ia ka longkynthei longshynrang ha ka rukom ai jinghikai ia ka Emergency Education	
Jingpynkut	21
Kaei ka Emergency Education?	
Ka Emergency Education ka dei ka jait jingpule kaba kham khlain bad kham janai kaba ai hapdeng ki jingialeh markynti lane ha ka por ba wan lynshop ka mariang. Kane ka jingpule ka pynthikna ba ka pule puthi kam ktah wat hapdeng kine ki lanot.	

Bynta I

Ki jinglynshop ka lanot bad ki Jingiarap ba kyrkieh

1.1 Ki jinglynshop bad ki jingiarap

Ka jinglynshop ka mariang bad ki jinglynshop na ki kam u briew ha kine ki khyndiat snem ka la nang kiew bad lyngba kine ki jingjia, ka la don ka jingduh kaba khraw namar ka jingroi ka jingdon briew bad ka jingbun ki iing ki sem bad ki shnong ki thaw. Ka jingkiew ha ka liang ka jingjulor bad jingjot na kine ki lanot ka la wanrah ka jingdonkam ban buh ki lad ki ban pyniaid ia ki kam ban ai ka jingiada ia u khunbynriew bad ia ki jingdon jingem.

Wat la ka kyntien jinglynshop bad ka emergency ka iaaid ryngkat ryngkat, ka long kaba donkam ban tip ba ka jinglynshop ka lah ban long kawei na ki emergency.

(Haba ngi ong Emergency ka mut ka jingpynbiang bad pyniaid ia ki lad iarap, kata, ka jingpynkhreh lypa shwa ban wan ka lanot, ka jingiarap haba jia ka lanot bad ka jingtei biang ia ka jingim ha ka imlang sahlang. Ka thong jong ka emergency ka long ban teh lakam ia ki jingma bad ki jingjynjar kiba mih na kum kine ki jingshah lynshop.)

Ka jinglynshop ka long ka por ba kordit la ka long kaba thaw hi u briew ne kaba jia na ka mariang kaba pynthut syndet ne suki suki ia ka imlang sahlang namar ka jingduh noh ia ki baieit bathoin, ki jingdon jingem, ki spah ka mei mariang kiba ktah ia ka imlang sahlang haduh ba ki paidbah ki shem jynjar ban kyrshan ialade. (Kent, R., 1994)

Ka Emergency ka dei ka por ha kaba shim ia ki lad kiba radbah ban kyrshan bad pynbiang ia ki jingdonkam jong u khunbynriew, ban pynioh ia ka kama kaji bad ban iada ia ki jingdon jingem kiba ki don ha shwa ban jia ka lanot, ka jingmaham ia ka jingwan ka jinglynshop, ka jingiarap ha ka por ka lanot bad ka por ban pynkhie im biang ia ka imlang sahlang (Church World Service, 2000).

Ki bynta jong ka Emergency

Ia ka Emergency lah ban pyndonkam kyllum ban kdup ia ki arbynta jong ka jinglynshop ka mariang bad ka jinglynshop kaba jia na ka jingleh u briew.

Ki jinglynshop ka mariang

Katto katne ki nuksa na ka jinglynshop ka bor mariang ki long ka jingshlei um, u jumai, ki eriong, erlangthari, jingbeh kyrthep ka lyer duriaw, tsunami, jingrang tyrkhong bad kiwei. Ki jinglynshop kum u jumai ki lah ban jia khlem kano kano ka jingmaham bad ka ktah bha ia kito ki briew kiba shong hajan ka tyllong ba khie u jumai. Ka jinglynshop kaba wan hap suki suki kum ka jingrang tyrkhong ka lah ban shim por bun bnai ne bun snem ban hap hapoh ka emergency hynrei ka lah ban ktah jur ia u briew.

Ki lanot ki ba jia ne pynlong na ka jingleh u briew ne complex emergency

Ki complex emergency ki dei kiba leh hi da u briew bad ka lah ban jia na ka daw jong ki thma, ki jingialeh markynti, ka jingiakhil paidbah, ki kam lehnoh, ki kam kaikhlaw bad kiwei. Ki jinglynshop na ka mariang ryngkat bad ki jinglynshop kiba leh hi da u briew ki lah ban buh jingma bad jingkordit ia u khunbynriew.

Ka jinglynshop kaba ktah ia ka ioh ka kot lane ka imlang sahlang, kum ka khlam HIV/AIDS lah ban ong ba ka dei ka emergency bad donkam ban ialeh pyrshah ia ka khnang ba ki briew ki lah ban iaaid shaphrang ha ka jingim jong ki. (UNICEF, 2007)

Ka rukom pyniaid kam ha ka por ka jinglynshop lane emergency management

Ha kine ki khyndiat snem, ka rukom pyniaid kam haba jia ka jinglynshop ka long ha kiba bun ki liang bad ka la kynthup lut ia baroh ki bynta, kum ka ioh ka kot, ka jingjutor, ka imlang sahlang, ka mariang bad ki sawdong sawkun. Na ka bynta kane, ka donkam ka jingiatreilang lang jong baroh, ki sorkar jong ki ri ka pyrthei bad ki seng trei mon sngewbha bad ki seng bhalang. Ki prokram pyniaid kam ha ki por ka lanot ki long naduh ka kam pyllait im haduh ki kam iarap ban kyrshan ia ka jingim bad ki jingiarap kiba iadei bad ki sawbynta ki jingpyniaid kam kiba kyrkieh, kata ka jingpynduna ia ki jingjutor, ka jingpynkreh haba wan ka lynshop, ka jingpyllait im bad ka jingpynkhie im biang ia ka imlang sahlang. (Can E., 2000)

1.2 Ka jingktah jong ka emergency ia ka thoh ka pule


Haba khein kyllum, kumba 1% jong ki briew ha ka pyrthei, kata kumba 50 haduh 60 milian ki briew, ki im ki sah hapteng ki jingma na ka jingshah lynshop lane kiba dang sdang ban tei biang ia la ka jingim (Bensalah, K. Sinclair, M., Nacer, F.H., 2001). Ki khynnah khunlung khamtam, ki kylla long ki sohpdung bad ki lanot ha kine ki jingshah lynshop. Da ki milian ki khynnah bad ki samla lud ki jah rngai ne sakma na ka daw jong ka thma lane ha ki khep ba don ki jingjia ba kyrkieh. Ki jingialeh markynti bad ki jinglynshop ka mariang ki pynthut bad pyndkoh ia ka thoh ka pule bad ka skul.

- Ki skul ki jutor ne ki shah pyndonkam kum ki jaka shong shipor na ka bynta ki poiwir ne ki briew kiba shah pynkynriah jaka lane kum ki len shipai.
- Ka jingjutor lane shah lute jong ki iing bad ki skul ka wanrah ka jingduh ia ki kot pule bad kiwei ki tiar skul bad ki jingdon jingem ka skul .
- Ha ka por ba wan ka lanot, ki skul ki ju shah ktah bha.
- Ki nonghikai teng teng ki sakma ne ki shah pyniap.
- Ka ju don ka jinghiar ha ka jingdon ki khynnah skul namar bun ki khynnah kim ioh lad ban leit skul ba ki shnong jong ki ki don hapteng ka jingialeh markynti. Ki shah pyniap ne mynsaw ne dkoh na ka jingbthei ki bom tep khyndew.
- Ki jingshah lyngshop ki ktah bha ia ka pyrkhath pyrdain jong ki khynnah. Ka bor pyrkhath pyrdain ka ktah haba ki ngat hapteng ka jingialeh thma lane shah lynshop ha ka bor mariang kaba ktah pat ia ka bor pule jong ki.
- Ha ki por ki jingpyniaid kam kiba kyrkieh, ka kam kaba ha khmat eh ka long ka jinglait im kumta ym da don ban pyrkhath eh shaphang ka pule ka puthi. Kane ka pynduhlad ia ki briew ia ka jingnang jingstad bad ki kabu kiba ka thoh ka pule ka lah ban ai, bad ka ktah shibun ia ka pule puthi jong ki khynnah khamtam.
- Ki khynnah kynthei ki kham don jingma na kine ki jingshah lynshop bapher bapher. Ha ka por ka lanot bad ka jingduk, ki longing kiba duk ki ju phah skul tang ia ki khun shynrang namar kim kot bor ban pynnang pynstad ia ki khun baroh bad ban pynbiang ka bai skul, ki kot, ki jainphong bad kumta ter ter. Ha kum kine ki khep, ka ju long ka dustur ba ki khynnah kynthei ki hap noh ban peit ia la ka iing bad kane ka pynduh ka kabu ia ki ban ioh shong skul.

1.3 Ka Emergency Education – u mawdong ba saw jong ka jingleh isnei

Ki jingshah lynshop kiba jia na ki jingleh u briew ne kiba jia na ka bor mariang ki ktah jur ia u khunbynriew, ka mariang bad ia ka ioh ka kot. Kaei kaba ki ri ka pyrthei ki sngewkhia eh ka long ba kum kine ki jingshah lynshop na ki bor mariang ki la nang kiew kat nang mih ki sngi bad ki jingialeh thma bad jingialeh markynti ki la nang jur. Kine ki jingshah lynshop ki donkam ia ki lad jingiarap kiba kyrkieh namar ka kam ba hakmat eh ka long ban pyllait im bad kyrshan ia ka jingim jong ki briew, hynrei ki jingshakri para briew kum ka koit ka khiah, ka thoh ka pule bad kiwei ki sangeh noh. Ha kum kine ki khep kiba kyrkieh, ki briew kiba la duh noh ia la ki iing ki sem lane ki poiwir ki hap ban ieh ia la ki iing bad ki trep, bad ki shem jynjar ban sdang biang ia ka jingim.

Hadien ba la pynioh ia ki jaka sah shipor, ka bam bad ki dawai ia ki briew kiba shah ktah, ki seng iarap bad ki sorkar ki sdang sa ban pynbiang ia kiwei ki lad jingshakri kiba lah ban pyllait ia ki na ki jingsngew khuslai bad sngew kordit bad ruh ban pynbiang ia ki jingdonkam jong ki kiba shi jingim. Ha kine ki sngi kiba mynta, ka emergency education ka dei kawei pat ka phang jong ka jingshakri kaba ki la sdang ban shim khia.



1.4 Ka thong jong ka emergency education

Ryngkat bad ki jait jingiarap kum ka jaka sah, ka um bad ki painkhana, ka koit ka khiah bad ka bam, ka emergency education ka thmu ban:


- Tei biang ia ka jingim kumba ju long
- Ai jingiada ia kiba jynjar tam
- Wanrah ia ka jingiaishah
- Pyniatylli ia ki jaitbynriew kiba don hapteng ka jingialeh markynti
- Sdang ban tei bad wanrah ia ka jingsuk

1.5 Ka jingmyntoi jong ka Emergency Education

Ka Emergency Education ka lah ban ai ka jingim kaba neh shirta bad pyllait ia ka jingim namar ba ka lah ban kyntiew ia ka bor met, ka bor pyrkhath pyrdain bad ka bor tipthuh:

- Ka pynbiang ia ka jaka pule bad kyrshan ia kito ki briew kiba shah ktah ha ka lanot, khamtam ki khynnah bad ki samla lud
- Ka pynbiang ka jaka kaba shngain ha kaba ki khynnah, ki samla bad ki bahaiing jong ki ki ioh jingkyrshan na ki nonghikai bad ki paralok, ka ai ruh ka jingsngew skhem jingmut bad jingkyrmen ia ka lawei
- Ka kyrshan ia ka bor pyrkhath pyrdain bad ka jingiadei hapteng ka imlang sahleng da kaba ai jingtip kumno ban lait na ki jingbankhia ki jingklusai kiba kine ki lanot ki lah ban iakynduh
- Ka lah ban pyllait ia ka jingim bad iada ia ki khynnah na ki jingshah thombor bad jingshah banbein bad jingma kaba lah ban long na ka jingshah rahbor, jingpynkieng atiar ialeh ia ki khynnah bad ka jingthombor ia ka longrynieng bad ka jingthombor ia ka longkynthei longshynrang
- Ka thoh ka pule ka ai ruh ka kabu ban sam ia ki jingtip shaphang ka koit ka khiah, ka khuid ka suba, ka jingsuk, ka jingpynbeit ia ki jingialeh markynti, ka jinglait na ki bom tep khyndew, ka jingiada na ka HIV/AIDS, ka jingtyngkai ia ka mariang, ka jingpynkhreh na ki jingshah lynshop, ka lad kyntiew ia ka kamai kajih bad kiwei

Ka Dur ba 1: (Ba la shim na ka INEE, 2003) kaba pyni kumno ka emergency education ka kyntiew ia ka bha ka miat jong ki khynnah



1.6 Ka jingkular jong ki ri ka pyrthei ia ka Emergency Education

Ka Dakar Framework for Action ka shim ia ka emergency education kum ka jingtynjuh bad ruh ka lad ban pynurlong ia ka Education For All (EFA) lane ka jingnang jingstad ia baroh. Ka jingthmu ka long ban bynshet ha ka sorkar bad ki seng trei mon sngewbha ban pynbiang ia ka thoh ka pule jong ki khynnah bad ki samla ha ka por ba jia ka lanot bad ban pynbiang ia ki kabu pule ha ki jaka kiba shngain bad ban tei biang ia ki skul bad ki jaka pule kiba la julor (Dakar, 2000). Ka Emergency Education kan pynurlong ruh ia ki hok, kata ka hok ban ioh ia ka jingnang jingstad kumba la saindur ha ka:

- Universal Declaration of Human Rights (1948)
- Convention kaba iadei bad ka Status of Refugees (1951)
- Geneva Convention (IV) kaba iadei bad ka jingiada ia ki riempaidbah ha ka por thma
- Covenant halor ka Economic Social and Cultural Rights (1966)
- Convention halor ka Rights of the Child, 1989 (CRC)
- Millenium Development Goals (2000)

Ka thoh ka pule namarkata ka la kylla long kaba donkam bha napdeng ki kam leh isnei namar kane ka lah ban kyntiew ia ka imlang ka sahleng jong ki paidbah (Bensalah, K., Sinclair, M., Nacer, F.H., 2001). Ka thoh ka pule mynta ka la rung ha ka thup mang pisa jong ki ri bad seng jong ka pyrthei haba wan ka jingshah lynshop (UNESCO, 2000). Ka Global Consultation on Education in Emergencies kaba la long ha Geneva ha u Naiwieng 2000 ka la seng ia ka Inter-Agency Network for Education in Emergencies (INEE). Ka kynhun jong ka INEE ka kynthup ia laitylli ki seng hapoh ka UN, kata ka United Nations Education, Scientific and Cultural Organsiation (UNESCO), United National Children Education Fund (UNICEF) bad ka United Nations High Commissioner for Refugees (UNHCR) bad lai tylli ki NGO – Norwegian Refugee Council, CARE bad ka Save the Children, ha kaba kine ki seng ki mihkhmat bad ki iateh lok bad kiwei ki seng trei mon sngewbha ki bym hap hapoh jong ka sorkar. Ka jingtrei kam ka la nang iar bad ka la ioh ban pynrung ia ki NGO, ki jaka pule bad ki skulbah bad kiwei ki agency. (Bensalah, K. (nd)). Ia ka Emergency Education la thmu ban pyntreikam ha kylleng ka pyrthei lyngba ki workshop, ki prokram ai jinghikai bad ki jait jingpule na ka bynta ki nongai jinghikai bad ki briew kiba saindur ia ka pule puthi.

Bynta II

KI MAT KIBA IADEI BAD KI JAIT JINGPULE BAD KI RUKOM HIKAI IA KA EMERGENCY EDUCATION

2.1 Ban pynioh biang ka lad ban shong skul

- Ka jingtei bad pynbha ia ki iing skul, ka jingsaindur ia ka thoh ka pule, ka jingpyniaid ia ki kam jong ka thoh ka pule, ki bynta jingpule, ki kot bad ki eksamin bad ruh ka jinghikai ia ki nonghikai
- Kan myntoi lada kynthup ia ki kmie ki kpa bad ki shnong ha kaba pynbha ne kyntiew biang ia ka thoh ka pule
- Ka ai ruh ka lad ban pynbeit ia ki jingduna ha ka rukom ai jinghikai kaba rim, ban shna ia ki bynta jingpule ha kata ka rukom ba kan kyntiew ia ka bor pyrkhath pyrdain jong ki khynnah kiba shah ktah na ka lanot, ban kyntiew ia ka longbriew manbriew bad ruh ia ka koit ka khiah, ka jingshngain bad ka jingsumar bad burom ia ka mei mariang

2.2 Ban pynbiang ia ki jingdonkam ki khynnah kiba sakma, ki poiwir lane kiba la wanphai biang

- Ka kham bha ia ki khynnah bad ki samla lud ban iashimbynta ha ki kam kiba kyntiew ia ka bha ka miat jong ki kum ki prokram kyntiew sap bad ka jingnang jingstad bad ki kam leit ai jingiarap ia kiwei. Ia kine lah ban leh hadien ba la jia ka lanot kum ki jingialeh markynti, ki jingsakma lane ki jingleit wad jaka sah sha kawei pat ka ri
- Kane kan iarap ban kyntiew ia ka jingiadei ha ka imlang sahleng, ban ithuh ia ki khynnah kiba shah ktah eh na ka lanot bad ruh ban wanrah ka jingshngain ia ki kmie haba ki khun jong ki ki leit skul lane leit sha kiwei ki prokram
- Ha kaba iadei bad ki khynnah poiwir, ka long kaba donkam ban ailad ia ki ban pule ia ki katto katne ki bynta jingpule kiba ki pule ha shnong jong ki: ka polisi kaba la tip kum ka ‘education for repatriation’. Ka long ruh kaba donkam ban ai ka bynta jingpule jong ka thain ia kaba ka tnat pule jong ka ri jong ki ka pdiang

2.3 Ka jingtei ia ki khynnah khunlung bad ka jingnang jingstad ia kiba la san

- Ki khynnah rit kiba la sakma na ka daw jong ki jingshah lyngshop ka mariang ne kiba jia na ka daw ka jingleh u khunbynriew ki donkam ka jingkyrshan hapdeng kine ki jingklusai, ki jingmynsaw lane ka jingduh ia ki baieit bathoin lane na ka jingbym ioh ia ki jingsumar na ki ba la san
- Ki prokram kyntiew ia ki khynnah naduh dang rit ha ka dur jong ki jingri jingsumar mynsngi, ki jingpule shwa ban leit skul, ban sumar ia ka koit ka khiah, ka khuid ka suba bad ban pynbiang ia ki jingtei met bad lada ki kmie ki kpa ki ioh lang ia ka jingnang jingtip kine baroh ki kyntiew ia ka jingthrang pule jong ki khynnah
- Kum kine ki prokram ki ai ka jingiada bad kyntiew ia ka sap tipthuh bad bor pyrkhath pyrdain jong ki khynnah rit

2.4 Ka jingnang jingtip ia ki sap treikam ia ki samla bad kiba la san

- Ka long kaba donkam ban pynbiang ia ki jinghikai ia ki samla bad kiba la san ha ka por ba wan lynshop ka lanot
- Ia kine lah ban pynurlong lyngba ki prokram ai jinghikai ha ka thoh ka pule, ki prokram ai jingtip bad ki buit treikam kiba iadei bad ka koit ka khiah bad ka rukom sumar khunlung bad ki jinghikai ia ki sap treikam ban kyntiew ia ka kamai kajih jong ka iing bad ba ki lah ban wad ia ki kam ki jam ne ban seng kam lajong
- Kine ki prokram ki iarap khamtam ia ki longkmie kiba duk bad ki khynnah kynthei ba ki lah ban ioh ki lad kamai ban im donburom wat hapdeng ki jinglynshop jong ka lanot

2.5 Ka jingnang jingstad kaba kdup ia baroh

- Ka Emergency Education ka donkam ban kham pyrkhath ia kito ki kynthun kiba kham tlot bad kham don jingma kum ki khynnah, ki samla bad kiba la san kiba don jingduna ha ki dkhot met, ki khynnah kiba la sakma na ki kmie ki kpa, ki shipai khynnah bad ki nongkieng atiar kiba la aiti
- Dei ban ai ka jinghikai ba kyrpang ia ki nonghikai ba kin nang kumno ban ai ka jinghikai kaba kyrpang bad kaba tei ia ka longbriew manbriew jong kine ki khynnah ba ki lah ban shong skul lane ban pynbiang ki klas kyrpang na ka bynta jong ki
- Ki don ki khep ha kaba kine ki kynthun ki donkam ki prokram ba kyrpang shwa ba kin rung skul, jaka hikai ia ki sap treikam lane ha ki kam ki jam
- Lah ruh ban donkam ki prokram kiba kyrpang ia kiwei ki kynthun kiba don jingma kum ki khunswet kiba don khniang jingpang AIDS, ki longing kiba don para khynnah, ki khynnah kiba shu ting, ki khynnah kiba im ha surok, ki khynnah ba don jingpang AIDS bad ki khynnah kiba bylla

2.6 Ki mat kiba iadei bad ka longkynthei longshynrang

- Kumba 70 haduh 80 persen jong ki briew kiba sakma ne ba hap phet shnong ki dei ki kynthei bad ki khun jong ki
- Ki kynthei ki don ka kamram ba kongsan ban iarap ia ki para briew haba don ka jingialeh markynti bad ha kaban kyrshan biang ia ka jingim hadien ki thma bad ki jingialeh
- Kumta ka emergency education ka dei ban kham pyrkhath ia ki mat kiba iadei bad ka longkynthei longshynrang bad ki diengpyngkiang kiba ki kynthei bad ki khynnah kynthei ki iakynduh ha kaba iashimbynta ha ki prokram ai jinghikai bapher bapher
- Kane ka lah ban donkam ka jingpynthymmai ia ki kot bad ki bynta pule, ka jingai jinghikai ia ki nonghikai kumno ba nang ban burom ia ka longkynthei longshynrang, ban pynsngewthuh ia ki nongshong shnong ia ka jingdonkam bad jingmyntoi haba ki pynnang pynstad ia ki khun kynthei jong ki bad kiwei kiwei

2.7 Ki mat kiba iadei bad ki prokram ai jinghikai

- Namar ki rukom pyniaid ia ki jingpule ki lah ban nym treikam ha ki khep ba jia ka lanot, kumta donkam ban don ki komiti ban pyniaid ia ki jingai jinghikai kiba kyrpang khnang ban lah pyniaid beit ia ki kam bad ruh ban pynbeit ia ki jingeh kat kumba donkam

- Ka jingsaindur ia ka EFA (Education For All) jong kawei pa kawei ka ri ka dei ban pynpaw ruh ia ka jait jinghikai halor ka Disaster Preparedness Plan jong ka ri. Ka EFA Plan ka dei ban pyni ruh ia ka jait jingiarap ne jingkyrshan ne jingiatreilang hapdeng ka sorkar, ki seng ka UN, ki Seng kiba peit ia ka bha ka miat ki paidbah bad ki Seng Trei Mon Sngewbha kiba donkti ha kaba ai jinghikai ha ka por ba jia ka lanot
- Kan myntoi lada don ki kynja jingbthah ne jingbatai halor ka jingthung ia ki seng jong ki kmie ki kpa-nonghikai bad ki komiti jong ki skul lane shnong ha ka por ba jia ka lanot khnang ba kan don ka jingiatreilang kaba jan hapdeng ki skul bad ki paidbah
- Ka emergency education ka kynthup ruh ia ka jingpynkhreh bad pynthymmai ia ka rejistar jong ki nonghikai kiba la ioh sertiphikiet lane kiba la ithuh bad ka kyrdan pule jong ki bad ban saindur ia ka rukom ai jinghikai ia ki nonghikai bad pynbiang ki sertiphikiet ha ka por ba jia ka lanot
- Khnang ba ka jingpyntreikam ia ka emergency education kan long kaba seisoh ka long kaba donkam ban peit ia ki lad ioh pisa lyngba ki Relief Fund na ki nongnoh synniang na ka ri lajong ne na shabar ri bad ruh ban mang pisa na ka bynta ka jinghikai ia ki nonghikai, ban pynbiang ia ki tiar hikai, ka jingpynkynriah jaka ia ki skul bad ban pynskhem ia ki iing skul ba ki lah ban shna wat ha ka por ka jinglynshop ka bor mariang kum u jumai bad ka eriong.

Bynta III


Minimum Standard for Education in Emergencies, Chronic Crisis and Early Reconstruction (MSEE)

Ka INEE ka la iarap ban buh ia ka Minimum Standard for Education in Emergencies, Chronic Crisis and Early Reconstruction (MSEE) kaba saindur ia ka rukom treikam ha kaban pynwandur, pyntreikam, jurip bad lum jingkhein ia ki rukom ai jinghikai kiba janai (INEE 2003). Ia ka MSEE la thaw halor ka nongrim jong ka Sphere Project's Humanitarian Charter and Minimum Standards in Disaster Response kaba la seng ha ka snem 1997 da ka kynhun jong ki seng trei mon sngewbha bad ka Red Cross bad ka Red Crescent Movement (Overseas Development Institute, 2006). La sot ruh ia ki jingbatai na ka CRC bad na ka Convention on the Elimination of All Forms of Discrimination Against Women (CEDAW).

Ka Humanitarian Charter ka kren shaphang kumno ba ki briew kiba shah ktah ha ka lanot ki don ka hok ban ioh ia ki jingiarap isnei ha kaba iadei bad ki jingdonkam ba man ka sngi kum ka umdih bad ka khuid ka suba, ka bam, ka jingtei met; ki jingpyniaid ia ki jaka sah bad ki jingshakri ha ka liang ka koit ka khiah (Oxfam GB, 2004). Halor kane ka nongrim, ka INEE ka pruid dur ia ka kam kaba iadei bad ka thoh ka pule ha ka por ba jia ka lanot ban pynurlong ia kane ka hok. Kane ka long katkum ka hok jong ki nongshong shnong kiba shah ktah ha ka lanot ban ioh ia ka jingiada bad jingiarap kumba la saindur ha ka Humanitarian Charter.

Ka MSEE ka pruid hynriew tylli ki phang ha ka rukom pyniaid kam kiba iadei bad ki nongshong shnong. Ka jingpyntreikam ia kine ki hynriew tylli kan kyrshan ia ka rukom ai jinghikai, la ka long ha ka liang ka jingioh ia ki kabu ban pule, ka rukom ban hikai, ka jinghikai ia ki nonghikai, ka jingsaindur ia ka Education Policy bad ban ai bynta lang ia baroh.

Dur 2: (Ba la shim na ka INEE 2003) ka pyni ia hynriew tylli ki phang pdeng jong ka MSEE



Dur 3: Minimum Standard for Education in Emergencies, Chronic Crisis and Early Reconstruction (MSEE) bad ka jingiasnoh hapdeng jong ki (ba la shim na ka INEE 2003)




Ka Minimum Standard for Education in Emergencies, Chronic Crisis and Early Reconstruction (MSEE) ka kynthup ha ki san bynta kumne harum:

3.1 Ka rukom pyniaid ka ban dei ia baroh

Kane ka phang ka batai shai ia ki katto katne ki rukom pyniaid kam kiba iasnoh kawei bad kawei pat ka bynta jong ka MSEE. Ia kine ki rukom pyniaid kam la kdew ha ki artylli ki bynta hapoh ka Community Participation lane ka jingshim bynta jong ki nongshong shnong (ka jingshimbynta bad jingpyndonkam ia kiba na shnong) bad ka jingjurip (ka jingthew jingwoh, ka jingiarap, ka jingpeit pyrman bad ka jinglum jingkhein).

Ka jingshimbynta jong ki nongshong shnong

Ka MSEE ka batai shai ia ka jingdonkam jong ki nongshong shnong ban iadonbynta lang ha kaba pyntreikam ia ki prokram jong ka emergency education. Kane ka mut ka jingiashim bynta ym tang jong kito ki briew kiba shah ktah na ka lanot hynrei ruh ki bor shnong bad ki seng leh isnei kiba trei na ka bynta ka thoh ka pule bad kiwei. Kine harum ki dei ki rukom pyniaid kam bad ka shimbynta jong ki paidbah kumba la pruid dak da ka INEE (INEE, 2003)



Ka rukom shimbynta kaba 1 jong ki nongshong shnong: Ka jingshimbynta

Ki nongshong shnong kiba shah ktah ha ka lanot ki shimbynta shitrhem ha kaba bishar sani, saindur, pyntreikam bad pyniaid ia ki prokram kiba iadei bad ka thoh ka pule.

Ka rukom shimbynta kaba 2 jong ki nongshong shnong: Ki jingdon jingem

Wad ia ki briew ne jingdon jingem na shnong bad pyndonkam ia ki ha kaba pyntreikam ia ki prokram jong ka thoh ka pule bad kiwei ki lad jinghikai kiba lah ban don ha shnong.

Ka jingjurip

Ka Emergency Education kan treikam tang lada ka don ka jingjurip shwa ia ki briew kiba shah ktah ha ka lanot bad bad peit haduh katno ka jinglynshop ka ktah ia ki bad kumno ka la ktah ia ki nongshong shnong. Ka jingjurip ka long ruh ia ka jingma jong ki briew kiba shah ktah bad lada don ki jingduna ha ki jingshakri kiba donkam tam. Kum kine ki jingjurip kin iarap ban pyntreikam ia ka emergency education ha ka rukom kaba janai. Kane harum ka long ka rukom pyniaid kam kaba iadei bad ka jingshimbynta jong ki nongshnong kumba la pruid dak da ka INEE (INEE, 2003).



Ka rukom jurip ba 1: Ka jingsdang ia ka jingjurip

Ka jingjurip ia ka thoh ka pule bad ki skul ha ka por ba wan lynshop ka lanot ia kaba yn leh lang da ka jingshim bynta jong baroh.

Ka rukom jurip ba 2: Ka rukom treikam

Yn sdang ia ka jingsaindur ia ka rukom ai jinghikai, kynthup ia ka jingbatai shai ia ki jingeh bad ban da buh jingthoh ia ki lad treikam.

Ka rukom jurip ba 3: Ka jingkhmih sani ia ka rukom treikam


Baroh kiba iadonbynta kin khmih sani ia ki jingpyniaid kam kiba iadei bad ka thoh ka pule bad ruh ban khmih bniah ia ki jingdonkam jong ki briew kiba shah ktah.

Ka rukom jurip ba 4: Ka jinglum jingkhein

Ka dei ban don ka rukom lum jingkhein kaba beit ba ryntih ia ka thoh ka pule khnang ban nang pynbha ia ki lad treikam.

3.2 Ka jingioh ia ka lad ban pule bad ka jinghikai

Ki prokram jong ka Emergency Education ki dei ban pynthikna ba ki briew kiba shah ktah jur kim dei ban duh ia ki kabu ban ioh pule bad kane ka prokram kan pyllait ia ki jingeh kum ka jingniew shiliang khmat, ka baiskul bad ka jingeh ha ka liang ka ktien ka thylliej. Ka long ruh kaba donkam ban pynthikna ia ka jingshngain jong ki khynnah pule haba ki leit ki wan skul bad kan don ka jingshngain ha ki jaka pule. Ki prokram ai jinghikai ki dei ban long katkum ka jingdonkam jong ki briew kiba shem jingeh ban ioh ia ki kot pule lane kim ioh lad ban pule namar ka jingshah niew shiliang khmat lane namar ki kham long kyrpang kum kiba duna ki dkhot met, ki samla kynthei, ki khynnah kiba don jingiadei bad ki kynhun ialeh, ki khynnah kiba la shah rahbor, ki longkmie kiba dang khynnah bad kiwei.



Ka jingpynioh lad ban pule bad ka jinghikai ba 1: Ka thoh ka pule ia baroh

Iwei pa iwei ki dei ban ioh ka lad ban ioh ia ka jingnang jingstad.

Ka jingpynioh lad ban pule ba 2: Ka jingiada bad ka bha ka miat

Ki jaka ai jinghikai ki dei ban long kiba shngain bad dei ban kyntiew ia ki lad jingiada bad ka pyrkhath pyrdain jong ki nongshah hikai.

Ka jingpynioh lad ban pule bad ka jinghikai ba 3: Ki jaka ai jinghikai

Ki jaka ai jinghikai ki dei ban long kiba paka ban kyntiew ia ka bha ka miat jong ki nongpule.

3.3 Ka jinghikai bad ka jingioh jinghikai

Ki nonghikai ia ka emergency education ki dei ban shim ia ki rai kiba kongsan kiba iadei bad ki lain jingpule bad ki rukom ai jinghikai khnang ba ki nongpule kin nym duh eh ia ki jinghikai ha ki khep ba wan ka jingshah lynshop. Dei ban rai halor ki jait jinghikai ban ai, la ka dei na ki kot skul ne ki bym dei na ki jingpule skul; ki bynta ban pule, la ka long ia ki bynta kiba ju pule ha shnong trai ne ha ka shnong kaba ki poi ha ka por ka lanot, la ka jinghikai kan long kumno ba kin lait im, ki jinghikai ia ki sap treikam lane ki jinghikai ia ki kot pule. Lah ruh ban pynthymmai ia ki bynta pule (INEE 2003).



Ka rukom hikai bad ka jingioh jinghikai ba 1: Ki bynta pule

Ka bynta pule ka dei ban long kaba iahap bad ka riti/dustur jong kata ka shnong bad kaba dei na ka jait ktien ba iasngewthuh, la ka long na ki kot skul ne bym dei ki kot skul bad kine ki bynta kin iahap bad kata ka khep jingjia.

Ka rukom hikai bad ka jingioh jinghikai ba 2: Ka jingai jinghikai

Ki nonghikai bad kiwei ki briew kiba ai jingshakri ha ka liang ka thoh ka pule ki dei ban ioh ia ki jinghikai man ka por bad ki ban iahap katkum ka jingdonkam bad ki khep jingjia.

Ka rukom hikai bad ka jingioh jinghikai ba 3: Ki jingbatai

Ki jingbatai ki dei ban long kiba ki nongpule ki sngewthuh, kiba ki lah ban iashimbynta lang bad kaba kdup lut ia baroh.

Ka rukom hikai bad ka jingioh jinghikai ba 4: Ka jingjurip

Pyndonkam da ki rukom lum jurip kiba beit ban peit ia ka jingseisoh jong ka jingai jinghikai.

3.4 Ki nonghikai bad kiwei ki nongtrei ka kam pule puthi

Ki nonghikai bad kiwei ki nongtrei ka kam pule puthi kiba donkti ha ki prokram jong ka emergency education ki donkam ka jinghikai kaba paka bad ka jingkyrshan ba ki lah ban pyndep ia la ka kamram ha ki khep bad ki jaka kiba jynjar bad teng teng ki bym shngain. Dei ban jied ia ki nongtrei ka tnat pule puthi napdeng kito ki briew kiba shah ktah, lyngba ka rukom jied kaba khuid bad kiba biang ia ki jingdonkam baroh. Ka jingpyniaid ia ka kam hikai bad ka jaka pule ka dei ban long katkum ka jingiabeit lang bad ki nongshong shnong. Ka dei ban don ka jingiateh bad ki briew kiba trei na ka bynta ka thoh ka pule ha ka liang ka jingsiew, ki jingkitkhlieh, ki kamram bad ka jinglong jong ki. Ki nonghikai bad ki nongtrei ka tnat pule puthi ki donkam ruh ka jingkyrshan ha ka rukom ka jingiarap ha kaba ki nongshong shnong ki lah ban peit ia ka rukom ai jinghikai bad ka rukom pyniaid ia ka pule puthi.



Ki nonghikai bad kiwei ki nongtrei ka kam pule puthi ba 1: Ka jingthung bad jingjied

Yn thung ia ki nonghikai kiba la tbit bad kiwei ki nongtrei ka pule puthi lyngba ka jingthung kam kaba khuid kaba hok da kaba pynshong nongrim na ka kyndon jingjied kiba la buh lypa ki ban ym lah shiliang.

Ki nonghikai bad kiwei ki nongtrei ka kam pule puthi ba 2: Ka jingtrei

Ki nonghikai bad kiwei ki nongtrei ka kam pule puthi kin ioh ia ka jingbatai kaba shai halor ka jait jingtrei bad ka jinglong kaba ki dei ban don bad ki ioh ruh ka bainong.

Ki nonghikai bad kiwei ki nongtrei ka kam pule puthi ba 3: Ka jingiarap bad ka jingpyniaid kam

Yn buh ia ki lad ai jingiarap bad ki nongiarap ha kaba pyniaid ia ki kam.

3.5 Ka Education Policy bad ka jingiatreilang

Ha ki khep ba jia ka jinglynshop ka lanot, ki bor pyniaid ia ka thoh ka pule ki dei ban tyngkai ia ki hok ban ioh jingnang jingstad jong iwei pa iwei kynthup ia ka hok ban ioh laitluid ban pynpaw ia la ki jong ki jingsngew, ka hok jingiaryngkat kyrdan bad ka hok ban ioh bynta ha ki jingshim rai ia ki mat treikam ka thoh ka pule bad kiba iadei bad ka imlang sahlang. Ka Emergency Education ka dei ban bishar bniah ia ki rukom treikam jong ka ri bad pyrthei bad ki jingdonkam jong ki briew kiba shah ktah ha ka lanot. Ka Emergency Education Plan kam dei tang ban ai ka jingshakri ha ka liang ka pule puthi hynrei ka dei ruh ka jingpruid dak ia ka jingshakri ha ka por ka lanot haduh ka roi ka par jong ka imlang sahlang kaba shah ktah ha ka lanot.

Dei ban husiar ruh na kaba tynrong palat ia ki jingshakri jong ki seng kiba trei ia ka kam pule puthi bad ka dei ban don ka jingiatreilang hapteng ki seng khnang ba ka jingshakri ha kane ka liang kan long kaba beit ba ryntih da kaba kdew shai hapteng ki nongshong shnong, ki distrik, bad ki thain ia ki bynta jingshakri ha ka liang ka pule puthi bad ban iasam lang ia kita ki jingpyniaid kam kiba ki thmu ban pyntreikam. Dei ban kynthup lang ia ki jingshakri ha ka liang ka pule puthi ryngkat lang bad kiwei ki jingiarap kum ka jingpynbiang bam, ka jaka sah, ka koit ka khiah, ka um bad ka khuid ka suba.



Ka Education Policy bad ka jingiatreilang ba 1: Ka jingsaindur ia ka rukom treikam bad ka jingpynlong ain

Ki bor pyniaid ia ka thoh ka pule ki dei ban buh hakhmat ia ka ain ban pynshong skul ia iwei iwei khlem donkam siewdor, bad pynlong ain ia ki polisi ban kyntiew ia ka thoh ka pule.

Ka Education Policy bad ka jingiatreilang ba 2: Kaba plan bad pyntreikam

Ha ka Emergency Education dei ban shim nongrim na ki rukom treikam jong ka ri bad pyrthei bad ruh ban pyrkhat ia ki jingdonkam jong ki briew kiba shah ktah.

Ka Education Policy bad ka jingiatreilang ba 3: Ka jingiatreilang

Ka dei ban don ka bor ban wanrah ka jingiatreilang kaba khuid kaba shai ha ka emergency education kynthup ia ka jingsam jingtip hapteng ki kynhun bad ki seng kiba peit ia ka thoh ka pule.

Bynta IV

Ka jingpyrkhat ia ka longkynthei longshynrang

4.1 Ka jingpyrkhat ia ka longkynthei longshynrang ha ka por ka jinglynshop

Ha ki por ba don ki jingshah lynshop ne jingjia ba sngewsih, ka long kaba donkam ban don ka jingnang jingtip kiba iadei bad ka longkynthei longshynrang. Ka jingpyrkhat ia ka longkynthei longshynrang bad ka jingpyniaryngkat kyrdan kynthei shynrang ka long kaba donkam tam ban pynthikna ba ki shynrang bad ki kynthei ki ioh kajuha ka jingmyntoi na ka jingnang jingstad bad ba ki bynta jingpule bad ki rukom hikai hapoh ka emergency education programme ki dei ban long kiba myntoi bad kiba iadei bad ki, la ka long ha ka met ka phad, ka bor tipthuh bad ka pyrkhat pyrdain (UNESCO, 2006). Kum kine ki jait jinghikai ki ai ruh ki kabu ksiar ia ki kynthei bad ki longkmie ba kin ioh bynta lang ha ka pule puthi (INEE, 2005). Katto katne ki jingeh/dieng pynkiang ha ka pule puthi na ka bynta ki kynthei khamtam ha ki por ki jingshah lyngshop ha ka lanot ki long kumne harum:

- Ki skul bunsien ki don sha jngai bad ki khynnah kynthei kim lah ban leit, khamtam ki kynthei kiba don jingduna ki dkhot met
- Ki nonghikai kham bun ki dei ki shynrang, bad ki jaka leit bar ki duna
- Teng teng, haba don ha skul, bad ka leit ka wan sha skul ka long kaba jngai, kiba bun ki khynnah kynthei ki don jingma na kaba shah leh beijot, shah banbein bad shah thombor
- Ki don bun ki jingma wat ia ki khynnah shynrang ruh, haba ki leit skul, kum ka jingpynrung jubor ha ki kam ialeh thma ne kieng atiar
- Ki longing kiba duk eh ki lah ban ai ka jingnang jingstad tang ia ki khun shynrang bad kim lah kot bor ban siew ia ka bai skul jong ki khun kynthei, ki jain skul bad kiwei ki tiar skul
- Ki khun kynthei ki hap ban shim ka jingkitkhlieh ban trei ia ki kam iing, ban peit bad sumar para bad ban pyndap lang ia ka iing ka sem da kaba leit bylla
- Ka jingpynshong kurim dang khynnah bad ka jingarmet ki long sa kiwei pat ki diengpyngkiang ia ki kynthei ban bteng ia ki jingpule jong ki
- Wat haba ai ia ka emergency education, ki kynthei ki kham duna haba ianujor bad ki shynrang ha kaba wan rung skul
- Wat haba ka don ka jingkiew jong ki kynthei kiba wan rung skul, hynrei ha kaba kut jong ka kyrdan pule primary, ka bun bah ki khynnah kynthei ki hap ban pep skul noh

4.2 Ka jingmyntoi ka emergency education haba don ka jingiohi jngai ia ka jingdonkam ki shynrang kynthei

Ka jingbuh ia ki prokram jong ka emergency education ka thmu khamtam ban kyntiew ia ka jingshimbynta jong ki longkmie bad ki kynthei ha ka ban kyrshan bad khyllie biang ia ka jingim bad ruh ha kaba kyntiew ia ka roi ka par jong ki shnong bad ki thain, kum ha kaba ieng ban ialeh ia ki elekshon. Lada ym shym kynthup lang ia ki kynthei naba sdang, kan shem jingeh ban pynshlur ia ki hadien. (Susan Nicolai, S., 2003)

4.3 Ka jingpyrkhat ia ka longkynthei longshynrang ha ka rukom hikai ia ka Emergency Education

Ka jingiaryngkat kyrdan kynthei shynrang kum ka phang pdeng ka la rung lut ha baroh ki bynta jong ka MSEE. Ban pynurlong ia ki thong jong ka MSEE ka donkam ka jingphai khmat sha ka jingiaryngkat kyrdan kynthei shynrang bad ka jingpynbiang ia ki jingdonkam jong ki khynnah pule kynthei bad shynrang, ki nonghikai bad ki nongshong shnong (UNESCO, 2006). Ka jingphaikhmat ia ka longkynthei longshynrang ia kawei pa kawei ka kyrdan pule ha ka Emergency Education kumba la pruid dak da ka INEE (2003) ki long kumne harum:

Kyrdan 1: Ka jingshim bynta ki nongshong shnong bad ka jingjurip

Ka jingphai khmat sha ka longkynthei longshynrang:

- Ialap ha ki nongshong shnong ia ka jingdonkam ka jingnang jingstad ki khun kynthei
- Iarap ia ki longkmie bad ki khynnah kynthei ban rung dkhot ha ki education committee
- Pynshlur ia ki longkmie bad ki khynnah kynthei ban shimbynta ha ki jingialang kiba iadei bad ka thoh ka pule, ki jingai jinghikai, ki kam ba lah ban leh ha skul (kum ka prokram aibam ha skul, ka jingpynbiang ia ki nongsynran sha skul, ka jingpynwandur bad jaka buh ia ki jaka leit bar ha ki skul bad kiwei)
- Ki mat kiba iadei bad ka longkynthei longshynrang ki long kiba kongsan tam ha kaba sdang ia ka jingjurip
- Ki jingkdew ia ka jingiaid shaphrang jong ki kam ki pyni ia ka jingjop jong ka thong sha ka jingiaryngkat kyrdan kynthei shynrang
- Ki longkmie bad ki khynnah kynthei, ki longkpa bad ki khun shynrang ki ioh ka jingiasyllok borabor kaba long kum shibynta jong ka jingpyniaid kam bad ka jingjurip ia ka jingjop jong ka prokram

Kyrdan 2: Ka jingioh ia ki jinghikai bad ka jinglong ki jaka ai jinghikai

Ka jingphai khmat sha ka longkynthei longshynrang:

- Wad ia ki lad ban pynbiang ia ka jinghikai ia ki khynnah kynthei kiba sahdien kum ki longkmie kiba dang khynnah, ki khynnah kynthei kiba duna ki dkhot met
- Pynbiang ki prokram ki bym teh pyrkhing than da kaba buh ia ka por ki ba kylluid na ka bynta ki kynthei bad shynrang
- Kham pyrkhat bha ia ka jingshngain jong ki kynthei bad ki longkmie ban lait na ki jingshah thombor
- Ai jinghikai ia ki nonghikai ba kin nang ban wanrah ka rukom pule ka ban iahap bad ki kynthei ne shynrang
- Pynbiang la ki jong ki kamra skul bad ki jingdonkam ba kyrpang jong ki longkmie bad ki khynnah kynthei kum ki jainphong, ki jain khuid lane ki jain poi bnai bad kiwei

Kyrdan 3: Ka jinghikai bad jingioh jinghikai

Ka jingphai khmat sha ka longkynthei longshynrang:

- Kyntiew ia ka rukom ai jinghikai, pynshlur ia ka jingiashimbynta lang bad ka jingpule ka ban iadei ia baroh, bad pynshlur ia ki khynnah kynthei ba kin shimbynta shitrhem ha klas
- Wanrah ia ki bynta pule ki ban iahap bad ki jingdonkam bad ban bit ban biang ki khynnah kynthei bad khynnah shynrang
- Ha ki bynta ai jinghikai ia ki nonghikai, kynthup lang ruh ia ki jinghikai kiba kdew ia ka jingaryngkat kyrdan kynthei shynrang bad ki jinghikai kiba dei thik tang ia ki kynthei ne shynrang
- Buh ia ki lad ban jurip bad rukom eksamin ki ba kham donburom ki ban iada ia ki kynthei bad ki longkmie

Kyrdan 4: Ki nonghikai bad kiwei kiba donkti ha ka pule puthi

Ka jingphai khmat sha ka longkynthei longshynrang:

- Ryngkat bad ki nongshong shnong, thawdur bad pyntreikam ia ki nongrim jinglong jong ki nonghikai kumno kin ai jinghikai kiba iadei bad ka jingshah leh beijot, ka jingshah lehbein bad ka jingshah banbein
- Pynwandur ia ki lad ki lynti ban pynrung bad buh ia ki nonghikai kynthei, bad pynthikna ia ka jingshimbynta jong ki ha ki jingialang skul bad ki prokram kyntiew ia ki kam jong ki
- Pynrung ia ki rukom hikai kiba pyni ia ka jingaryngkat kyrdan hapdeng kynthei shynrang bad kiba ai jingmyntoi khamtam ia ki khynnah kynthei

Kyrdan 5: Ka Education Policy bad ka Jingpynbeit ryntih

Ka jingphai khmat sha ka longkynthei longshynrang:

- Shim ia ki rai ban pynduna ia ka bai skul ia ki longing kiba don khun kynthei
- Shim khia ban peit kumno ban lah ban ai bynta ia ki agency bad ki sengbhalang ban pyniar ia ka prokram ban kynthup ia kito ki kynthei kiba sah ha ki thain ba kyndong tam
- Shim ia ki rai ban wanrah ia ka jingaryngkat kyrdan kynthei shynrang da kaba iasoi ia ki jingiateh hapdeng ki seng bad ki agency
- Da bishar sani ha ka ban pynlong ia ki emergency education katkum ki kyndon jong ka CRC, EFA, MDG; saindur ia ki education policy bad ki ain kiba iada ia ka jingshah niew shiliang khmat

Jingpynkut

Ka Emergency Education ka dei ka bynta jingpule kaba la sdang ban rung bad suhthied ha ka bynta jong ka jingpyniaid kam haba jia ki jingshah lynshop ka lanot. Ka jingphai khmat sha ka thoh ka pule haba wan ka lanot ka long kaba dei iaroh namar ngim lah ban leh klet ia ka jingdonkam ka thoh ka pule ha ka jingialeh ban kyntiew ne khyllie biang ia ka jingim hadien ka lanot. Nalor kaba pyllait ia ki lanot na ka jingklusai bad jingjynjar kaba ka jinglynshop ka wanlam ha kito kiba lait im, ka emergency education ka plie ruh ia ki kabu ban tei biang ia ka imlang sahlang kaba la duh mynsiem bad ka jingwanrah ka emergency education ia ka jingaryngkat kyrdan kynthei shynrang kan nang wanrah ka roi ka par bad ka bha ka miat ia ka imlang sahlang hi baroh kawei. Kane ka kham donkam ha ka ri kum ka India ha kaba ka jingkhein kyrdan kynthei shynrang ka jur bha ha ki kam pynroi kynthup ia ka thoh ka pule.

Ha kaba iadei bad ka jingai ki jinghikai ha ka emergency education, dei ban ai jingiaroh ia ki seng trei mon sngewbha jong ki ri ka pyrthei kiba la lah ban wanrah ka jingaryngkat kyrdan kynthei shynrang bad ban pynrung ia kane ka bynta ha kaba sam ia ki lad jingiarap bad ki jingkyrshan ia ka imlang sahlang. Ka jingtrei borbah jong kine ki seng ka pyrthei kum ka UNHCR, UNESCO bad kiwei ka pynlah ia ki ban pynrung ia ki jingsngew iaryngkat kyrdan kynthei shynrang ha ki kam iarap ki bapher bapher. Ka jingwanrah ia ka Minimum Standard for Emergency Education ka long uwei pat u mawmer sha kane ka thong. Mynta ki seng trei mon sngewbha bad ki seng ai jingiarap jong ka ri bad ka pyrthei ki lah ban pyndonkam ia kane ka jingmaitphang kum ka jingiarap ha kaba wanrah ia ka emergency education bad ruh ban pynkhreh haba don kano kano ka jingma na ka jingshah lynshop ha ki bor mariang ne na ki lanot ba jia na ki jingleh u brieve.

REFERENCES

1. Action Aid, 2003, "The Rights-Based Approach to Emergencies-A Beginners' Guide", accessed on 12 July 07
http://www.actionaid.org.uk/doc lib/110_1_rights_based_approach_guide.pdf
2. Anderson, M. B., 1994, "Understanding the Disaster- Development Continuum: Gender Analysis is the Essential Tool" in (eds) Walker, B., "Women and Emergencies" Oxford, Oxfam GB
3. Anderson, M. and Woodrow, P., 1989, "Rising from the Ashes-Development Strategies in Times of Disaster", Paris, West view Press
4. Byrne, B. and Baden, S. 1995, "Gender Emergencies and Humanitarian Assistance", Bridge Report Number 33, commissioned by the WID desk, European Commission, Directorate General for Development, accessed 28th May 2007
<http://www.bridge.ids.ac.uk/dgb4.html>
5. Bensalah, K., Sinclair, M., Nacer, F. H., 2001, "Education in Situations of Emergency and Crisis: Challenges for the New Century", accessed 8th April 2007,
<http://www.unesco.org/education/educprog/emergency/themes/>
6. Bensalah, K. (nd.), "Guidelines for Education in Situations of Emergency and Crisis: EFA Strategic Planning", UNESCO, accessed on 7th April 2007,
<http://unesdoc.unesco.org/images/0012/001282/128214e.pdf>
7. Can, E., 2000, "The Major Changes of Emergency Management in Recent Times", accessed on 16th May 2007
<http://www.icisleri.gov.tr/icisleri/turkidaredergisi/Uploadedfiles/Ergudercan%20121-126.Doc>
8. Church World Service, 2000, "Hazards and Disaster, Basic Concepts", accessed on 12 July 2007
<http://www.cwserp.org/reports/page.php?pageid=12>
9. Dakar, 2000, "The Dakar Framework for Action: EFA - Meeting our Collective Commitments" accessed 2nd April 2007,
<http://unesdoc.unesco.org/images/0012/001211/121147e.pdf>
10. Duggal-Chadha, A., 2006, "Children and Disasters", World Disasters Report, International Federation of Red Cross and Red Crescent Societies Refugee Survey Quarterly, Vol. 25, Issue 4, Geneva, UNHCR
11. IDS, 1996, "Integrating Gender into Emergency Responses", In Brief Issue 4, accessed on 17th May 2007
<http://www.bridge.ids.ac.uk/Dgb4.html>
12. Institute of Education, University of London, 2006, "Gender, Development and Education: Beyond Access Project", accessed on 5th July 2007
<http://www.ioe.ac.uk/schools/efps/GenderEducDev/Equals%20IssueNo16.pdf>
13. INEE, 2003, "Minimum Standards for Education in Emergencies, Chronic Crises, and Early Reconstruction", accessed 11th April 2007,
http://www.ineesite.org/graphics/msee_download.jpg
14. INEE, 2005 (A), "Ensuring a Gender Perspective in Education in Emergencies", accessed on 3rd July 2007
<http://www.campaignforeducation.org/resources/Feb2006/Gender%20Perspective%20in%20Education%20in%20Emergencies.pdf>
15. Kent, R., 1994, "Disaster Preparedness", UNDP Disaster Management Training Programme Module, 2nd Edition, UNDP, New York
16. Machel, G., 1996, "A Critical Analysis of Progress Made and Obstacles Encounter in Increasing Protection for War Affected Children", United Nations", accessed on 8th June 2007
17. www.un.org/children/conflict/english/themachelreport117.html - 13k
18. Nicolás, L. M., 2000, "A Rights-Based Approach to Emergencies -Setting the Scene", accessed on 12 June 2007
http://www.actionaid.org.uk/doc lib/112_1_rights_based_approach_scene.pdf
19. Overseas Development Institute, 2006, "Standards put to the test: Implementing the INEE Minimum Standards for Education in Emergencies, Chronic Crisis and Early Reconstruction", Humanitarian Practice Network", accessed on 5th June 2007
<http://odihpn.org/documents/networkpaper057.pdf>
20. Oxfam GB, 2004, "The Sphere Project Humanitarian Charter and Minimum Standards in Disaster Response", accessed 2nd February 2007,
http://www.sphereproject.org/handbookhdbkpdf/hdbkpdf_full.pdf
21. Susan Nicolai, S., 2003, "Education in Emergencies-A Tool Kit for Starting and Managing, Education in Emergencies", Save the Children", accessed on 2nd June 2007
http://schoolnetafrica.net/fileadmin/resources/education_in_emergencies.pdf
22. UNHCR 1990, "Guidelines on the Protection of Refugee Women", Geneva, UNHCR
23. UNHCR, 1991, "Policy on Refugee Women", Geneva, UNHCR
24. United Nations, 2006, "Different Needs – Equal Opportunities", UN - Inter Agency Standing Committee, Gender Handbook, accessed on 3rd July 07
<http://www.care.no/filestore/HandbookinfullMidMay.pdf>

25. UNICEF, 2006 (A), "Education and Conflict: Research, Policy and Practice", **Forced Migration review Supplement**, accessed on 12 July 07
<http://www.fmreview.org/FMRpdfs/EducationSupplement/full.pdf>
26. UNICEF, 2006 (B), "Impact of Emergencies on Girls", accessed on 3rd July 07
http://www.unicef.org/rosa/Rosa-Education_in_Emergencies_ToolKit.pdf
27. UNICEF, 2007, "Education in Emergencies", accessed 8th April 2007,
<http://www.unicef.org.nz/school-room/education/emergencies.html>
28. UNHCR, 2005, "Rapid Educational Response in Complex Emergencies", accessed on 5th June 2007
http://www.ibe.unesco.org/publications/free_publications/Retamal.pdf#search=%22Rapid%20educational%20response%20in%20complex%20emergencies%22
29. UNESCO, 2000, "Coordination Education During Emergency", accessed on 3rd July 2007
<http://www.unesco.org/iiep/PDF/pubs/136154.pdf>
30. UNESCO, 2006, "Education in Emergencies: The Gender Implications – Advocacy", Bangkok, UNESCO
31. UNESCO, 2005, "Education for All Assessment Thematic Study, Education in Situations of Emergency and Crisis", accessed on 26th July 2007
<http://www.unesco.org/education/educprog/emergency/themes/annexes.htm>
32. UNESCO, 2006 (C), "Building Back a Better Education System, Supporting the Education System Holistically", accessed on 8th August 2007
http://www.ineesite.org/uploads/documents/store/resources/res_1339_Building_back_a_better_education_system_-_Pakistan.pdf
33. Valdés, H. M., 2002, "United Nation-International Strategy for Disaster Reduction", ISDR Secretariat, Geneva.
34. Yodmani, S., 2000, "Disaster Preparedness and Management", accessed on 17th May 2007
http://209.225.62.100/Documents/Books/Social_Protection/chapter_13.pdf

NOTES

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

NOTES

[illegible]

NOTES

This image shows a single sheet of white paper with horizontal blue ruling lines. The lines are evenly spaced and run across the width of the page. There are no margins, text, or other markings on the paper.

MEGHALAYA STATE DISASTER MANAGEMENT AUTHORITY

LOWER LACHUMIERE, SHILLONG-793001

PHONE: 0364-2503022 (O)

FAX: 0364-2226671 (O)

Email: eo.sdma-meg@nic.in/sdmadeptt007@gmail.com